



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliarvm Omnium Generalium Et Provincialium Collectio Regia**

Ab anno CCCXLVII. ad annum CCCCI.

**Parisiis, 1644**

VI. De accusatoribus & accusationibus.

**urn:nbn:de:hbz:466:1-15256**

bis verius significare queo, quam sancti patres diffinierunt, & nostri prædecessores apostolica auctoritate roborauerunt. Ita enim hæc se habent: episcopos eiectos, atque suis rebus expoliatos, ecclesias proprias primo recipere, & sua eis omnia legaliter reddi, sancti Canones decreuerunt: & postea si quis eos accusare voluerit, æquo periculo facere sanciuerunt, iudices esse decernentes episcoporum, episcopos recte sapientes & iuste volentes, ad tempus diuque illis, resumptis viribus, & suis potestatiue fruendis rebus, amicisque & Dei seruis sapientibus consulentibus viris, in ecclesia conuenientes, vbi testes essent singulorum, qui oppressi esse videntur. Et reliqua, ad hunc ordinem pertinentia: quæ prolixitatem vitantes, hic non inferuimus, quia hæc sufficere credimus. Si quis autem his non est contentus, legat ea, & satiabitur. Scimus enim, homines inermes non posse cum armatis rite pugnare: sic nec illi, qui eiecti vel suis bonis sunt expoliati, cum illis qui in suo stant \* gradu, & suis fruuntur amicis atque bonis, litigare rite possunt. Nec sæculi quoque leges hæc sæcularibus fieri permittunt, sed prius eiectos vel oppressos, aut expoliatos cum suis omnibus restitui iubent, & postea suo tempore, sicut lex eorum continet, ad placita venire præcipiunt, nec vlla carceris custodia appellantem arceri permittunt. Docent enim ex parte (sicut nostis) terrena, quæ sunt cælestia.

## VI.

Accusatores vero & accusationes, quas sæculi leges non adsciscunt, nullatenus sunt in horum admittendæ causis: quia omne quod irreprehensibile est, catholica defendit ecclesia. Et hoc a maioribus definitum esse, propter prauorum hominū insidias, non dubitatur. Decet enim Domini sacerdotes fratrum causas pie tractare, & venerabiliter intendere, atque eorum iudicia super sacrificia ordinare, nec proterue aut tyrannica dominatione, (vt de quibusdam refertur) sed caritatiue pro Deo & fraterno amore cuncta peragere: *quod sibi quis fieri, secundum Dominicam vocem, non vult, alii inferre non præsumat: & in qua mensura mensi fueritis, remetietur vobis.* Ea vero quæ apostolorum prædicatione & patrum instructione percepimus,

Mm iij



semper tenere debemus, ne aliqua noua cudere, aut ad noxam fratrum \*intendere videamur: *sed alterutrum onera* <sup>\*superintendere</sup> *portemus, vt iuxta Apostolum, legem Domini adimplere ualeamus.*

## VII.

Tempus enim congruum præuideri oportet, quando uniuscuiusque accusatæ personæ causa rectissime in medio producat, quatenus grauitatem eius consonantiamque contra patrum decreta vel Synodorum confessionem, prodi minime cognoscatur. Quam ordinabiliter omnes intendant, vt ad eam in omnibus rationabiliter respondeant, & iuste se uelle manifeste ostendant. Nullus autem introducat<sup>4. quæst. 4. Nullus introducatur.</sup> personaliter, sed accusatores & accusati æqua audiantur ratione, iuxta quod gestorum ordo exigit. Accusatores uero & iudices non iudem sint, sed per se accusatores, per se iudices, per se testes, per se accusati, unusquisque in suo ordinabiliter ordine. Nam inscriptio primo semper fiat, vt talionem calumniator recipiat; quia ante inscriptionem nemo debet iudicari vel damnari, cum & sæculi leges hæc eadem retineant. De quibus omnibus uera semper fiat \*æquitas, quatenus ac-<sup>\*æqui-  
tas,</sup> cusationis & iudicii ac testimonii mercedem per ueritatem gestorum consequi ualeant. Scriptum est enim: *Abominabitur Dominus labia mendacia, & testem fallacem, proferentem mendacia, & seminantem inter fratres scandala atque litigia,* ipso monente atque dicente: *Non facies calumniam proximo tuo, nec ui opprimes eum. Non facies quod iniquum est, nec iniuste iudicabis. Non considerabis personam pauperis, nec honores uultum potentis. Iuste iudica proximo tuo. Et quod tibi non vis fieri, alteri ne facias: & reliqua.* Et maxime præceptum habentes apostolicum, *attendere nobisipsis & gregi, in quo nos Spiritus sanctus posuit episcopos, regere Dei ecclesiam, quam acquisiuit per sanguinem suum proprium,* conuenit. Et iterum: \*Attendere lupos, attendere malos operarios, qui <sup>\*Atten-  
dite lo-  
por, ut  
tendite</sup> peruersa faciunt, & aduersa loquuntur, vt detrahare semper discipulis Domini, & infamare queant: quos corrigere, uos & omnes Domini sacerdotes summo studio oportet: quia peius malum non est, quam ut ciues ciuibus inuideant, & sacerdotes vel clerici, sacerdotibus vel pontificibus infidientur, testante etiam ueritatis uoce: *Qui uos tangit, tangit pupillam oculi mei. Et qui scandalizauerit*

Zach. 2.  
Matth. 18.